

(सेठ डाकिया से)
डाकिया जा रे,
श्याम ने संदेशो दीजे,
श्याम ने जायत कह दीजे,
भगत थारे दर्शन ने तरसे,
डाकिया जा रे ॥

तर्ज ओ बाबुल प्यारे ।

(डाकिया सेठ से)
कुण से गाँव थारो श्याम बस्यो है,
इतनो म्हाने बता दे, सेवक रे,,,,,
गर तेरे पास है कोई निशानी,
म्हाने तू दिखला दे,
कईया जानूंगा पिचान,
मैं हूँ छोरो अनजान,
कईया श्याम स्यु होसी मिलन,
डाकिया जा रे ॥

(सेठ डाकिया से)
खाटू में है श्याम जी को मंदिर,
शिखर ध्वजा लहरावे, डाकिया ओ,,
ड्योढ़ी पर हनुमान बिराजे,
सेवक चंवर ढुलावे,
वांके नौबत बाजे द्वार,

गूंजे हरदम जय जयकार,
सजधज बैठयो है श्याम सजन,
डाकिया जा रे ॥

पहुंच गयो दरबार श्याम के,
बोलण लागो संदेशो, बाबा ओ,,
बण बैठयो कद श्याम दीवानो,
कुछ ना रह्यो अंदेशो,
आंखइल्या सु बरसी धार,
जईया सावण की फुहार,
देख सांवरिया बोल्यो यो वचन,
डाकिया जा रे ॥

(बाबा डाकिया से)
कह दीजे तू जाए सेवक ने,
तेरो बुलावो आसी, सेवक रे,,
सबकी आस पुराऊँ हूँ तो,
तू कईया रह पासी,
तेरी सारी जाणु बात,
पूरी करस्युँ मन की आस,
पर बढ़ा मेरे कानि कदम,
डाकिया जा रे ॥

चिट्ठी आई है आई है,
चिट्ठी आई है,
चिट्ठी आई है खाटू से,
चिट्ठी आई है,
बड़े दिनों के बाद,

मेरे श्याम धणी को आज,
भगत की याद सताई है,
चिट्ठी आई है आई है,
चिट्ठी आई है ॥

(डाकिया सेठ से)
सुण संदेशो सांवरिये को,
मनड़ो घणो हर्षायो, बाबा ओ,,
बंध गया पाँव में घुंघरिया सा,
मन को मोरियो गायो,
म्हारो श्याम बड़ो दिलदार,
हो जाओ लेवण ने तैयार,
महिमा गावे है कमल-किशन,
डाकिया जा रे ॥

डाकिया जा रे,
श्याम ने संदेशो दीजे,
श्याम ने जायत कह दीजे,
भगत थारे दर्शन ने तरसे,
डाकिया जा रे ॥

Singer : Sanjay Mittal

Source: <https://www.bharattemples.com/dakiya-ja-re-shyam-bhajan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>